




اشطر لعيب

By: Radwa Abdelmonaem


في يوم من الأيام، حيوانات الغابة لقوا قدامهم إعلان عن ماتش كرة كبير، هيكون فيه مسابقة مين أشطر لعب، والحكم هيكون أستاذ زرافة برقبته الطويلة اللي بتخليه قادر يشوف كل حاجة من فوق. الكل كان اتحمس جدًا وبدأ يجهز نفسه



دبّوب الصغنون بدأ يجهز نفسه ز سمع كلام باباه دبّوب الكبير اللي كان بيعلمه و بيمرنه



دبدوب فضل يتمرّن ليل نهار، يقوي في عضلاته



و كمان كان بيشرّب لبن عشان عضمه يكون اقوي زي ما باباه قاله



والأرنوب نفس الكلام، فضل يتمرن على النط والسرعة، لكن فضل سهران وقال: "طالما اتمرنت خلاص، اسهر براحتي بقى".



اما ظربان اتمرن، بس كان حاطط في باله إنه يستخدم سلاحه القوي، وهو ريحته الوحشة عشان يغش بيه.



لكن تعلوب المكار، كالعاده استخدم ذكاءه بصورة سيئة وجهاز خطة للغش ونام.



بالنسبة لصاحبنا القرد ميمون؟ ده بقى ماعملش أي حاجة... يا قاعد بياكل موز



او بيفضل نايم طول اليوم، ولا اتمرّن ولا تعب نفسه خالص.



الماتش خلاص هيبداً، والجمهور من العصافير والسناجب بيشجعوا بصوت عالي، كله بيسخن عشان الماتش وبيلبس.



لكن الديب كان في دماغه حاجة ثانية، وبدأ ينفذ خطته وهي إنه يغش لأنه عايز يكسب بأي طريقة.

فعمل إيه بقى التعلوب المكار؟



خبى مغناطيس صغير جوه الكورة، وخط جوه جزمته حته معدن صغيرة، عشان كل ما يجري... المغناطيس اللي في الكورة يلزق في المعدن، فبالتالي الكورة تجري وراه بدل ما هو اللي يجري وراها.

الماتش بدأ والكل كان متحمس!

الحيوانات استغربوا وقالوا: "يا نهار أبيض! الديب بقى أسرع واحد في الغابة! وده لأن دبذوب اتمرن واتغذى كويس!"



لكن المغناطيس كان سبب إن الماتش يقف ويتعطل... الكرة اتشدّت فجأة ناحية التعلوب وكعبلته. وقع تعلوب على الأرض وفضل يتشقلب لحد ما رجله اتلّوت.
"آاه!" صرخ التعلوب.



الجمهور كله قال: "دي آخرة اللي يغش... يغش، يقع على الوش!"

أستاذ زرافة اتعصب وقاله: "إزاي تغش يا تعلوب؟"
وأداله كارت أحمر وطرده من اللعبة.

الحيوانات كملوا المباراة، ونزل مكان تغلوب سنجوبة القمورة. أول ما شافها أرنوب نسي الكرة والماتش كله، ومعرفش
يركز خالص أو يكسب،



و يا عيني ارنوب كان بيجاول يركز لكن ظربان اداله في وشه ريحة خليفته مش قادر يتنفس!



الأرنب قال: "إيه الريحة دي! مش قادر أشوف الكرة!"
أستاذ زرافة شاف وشم اللي حصل، وراح قايل: "كارت أحمر! عشان تبطل تعمل ريحة وحشة في الملعب، عمتنا يا أخي!"

و مازال الماتش شغال و سلحوفة كان موجودة في الماتش هي كمان مركزة انها متخلّش اي جول يدخل فيها



اما القرد ميمون اللي كان مقضيها نوم طول اليوم لقي نفسه مش عارف يواكب باقي الحيوانات ولا عارف يلعب ازاي لانه
متمرنش
فقال في نفسه: "طب ما أعمل مقلب صغير احسن".
راح ماسك قشّر موز، وأول ما ارنوب جري على الكورة، رماه على الارض مكان ما الارنب بيجري .



ارنوب اتزحلق على القشر ووقع على الأرض و ميمون قعد يضحك عليه!



الجمهور هتف: "ميمون غشاش! ميمون غشاش!"
أستاذ زرافة صقّر وقال: "كارت أحمر يا ميمون! اللعب مش بالغش، اللعب بالتمرين".
ميمون خرج من الملعب مكسوف جدًا.



علي عكس ديدوب اللي كان فرحان بتشجيع الناس ليه لانه لعب حلو طول الماتش و كان مركز، و متمرن ومرتاح عشان نام كويس و شرب لبن و اكل كويس واتمرن كويس و معتمدش علي غش زي تغلوب او مقابل زي ميمون. جري ديدوب بسرعة، و شاط الكورة بكل تركيزه و قوته... و جوووول !



الجمهور كله سقف و هتف بصوت عالي ديدوووب ديدوووب.

و الكل فضل يسفله، وهنا انتهى الماتش مع صفارة الأستاذ زرافة اللي قال بصوت عالي: "وبكده انتهت المباراة بفوز ديدوب. وفعلا كسب ديدوب الكاس.



وهنا نتعلم إن المكسب عمره ما بيجي بالغش، لكن بيجي دايماً بالاجتهاد والتركيز والأكل الكويس و شرب اللبن، وباللعب النضيف من غير غش عشان اللي بيغش عمره ما يكسب، واللي يلعب صح هو البطل الحقيقي و هو اشطر لعيب.

و توته و توته خلصت الحدوتة.....